



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-616-4/21**

Datum: **04.02.2022.**

«Agencija za vodno područje rijeke Save» Sarajevo rješavajući po zahtjevu Investitora „HOLDINA“ d.o.o. Sarajevo, poslovna jedinica Travnik za donošenje rješenja o vodnoj dozvoli za ispuštanjem oborinskih onečišćenih voda u prirodni recipijent sa lokacije objekta benzinske pumpe koja se nalazi u naselju Turbe, općina Travnik, na osnovu člana 109. stav 1. točka 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Daje se vodna dozvola Investitoru „HOLDINA“ d.o.o. Sarajevo, poslovna jedinica Travnik, za donošenje rješenja o vodnoj dozvoli za ispuštanje oborinskih onečišćenih voda u prirodni recipijent sa lokacije objekta benzinske crpke koja se nalazi u naselju Turbe, općina Travnik, na zemljištu označenom kao k.č. broj: 1125, K.O. Turbe, P.L. br.118/01, općina Travnik.
2. Ova vodna dozvola se odnosi isključivo na ispuštanje oborinskih onečišćenih voda u prirodni recipijent sa lokacije objekta benzinske crpke, definirane točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da se smještaj nafte i naftnih derivata vrši u ukopanim čeličnim dvoplašnim rezervoarima ukupne zapremine 120 m³ (30+30+30+30 m³).
 - 3.3. Korisnik objekta je obavezan redovno vršiti kontrolu međuplašnog prostora rezervoara za naftne derivate, njihovo čišćenje, kao i kontrolu rada.
 - 3.4. Da korisnik predmetnog objekta, za vrijeme trajanja ove dozvole, osigura da se onečišćene vode sa saobraćajnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode, preko okna za monitoring, ispuštaju u rijeku Lašvu.
 - 3.5. Da se uspostavi i redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20), te pojedinačne i zbirne godišnje izvještaje dostave Agenciji u skladu sa članom 23. iste Uredbe.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13 i 26/14).
- 3.4. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.

- 3.6. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.7. Prečišćene oborinske vode moraju ostati u maksimalno dopuštenim granicama definiranim članom 14. Uredbe o uvjetima ispuštanja otpadnih voda u okoliš i sisteme javne kanalizacije.
- 3.8. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.10. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik „HOLDINA“ d.o.o. Sarajevo – poslovna jedinica u naselju Turbe, općina Travnik je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju štetu ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
10. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godine od dana pravosnažnosti ovog rješenja.
11. Prije isteka važnosti ove dozvole Investitor „HOLDINA“ d.o.o. Sarajevo za poslovnu jedinicu u naselju Turbe, općina Travnik, dužan je da zatraži izdavanje nove vodne dozvole.

O b r a z l o ž e n j e

Investitor „HOLDINA“ d.o.o. Sarajevo, poslovna jedinica Travnik, podnio je zahtjev za izdavanje vodne dozvole za ispuštanje oborinskih onečišćenih voda u prirodni recipijent sa lokacije objekta benzinske crpke koja se nalazi u naselju Turbe, općina Travnik, na zemljištu označenom kao k.č. broj: k.č. broj: 1125, K.O. Turbe, P.L. br.118/01, općina Travnik.

U provedenom postupku uz zahtjev za donošenje rješenja o vodnoj dozvoli, dostavljena je slijedeća dokumentacija:

- Kopija Rješenja o izmjenama podatak u registraciji broj: 065-0-Reg-21-003839 od 08.11.2021. izdano od općinskog suda u Sarajevu.
- Kopija Uvjerenja o poreznoj registraciji od 03.10.2002.godine, izdanog od strane Porezne uprave – Kantonalni ured Sarajevo.
- Ovjerena kopija Uvjerenja o upisu u jedinstveni registar obveznika indirektnih poreza broj: 04/5-1-IV-17-1-5684-195/05 od 12.11.2005.godine, izdanog od strane Uprave za indirektno-neizravno oporezivanje Banja Luka.
- Okolišna dozvola br. 04/06-23-11-365/19 od 01.04.2019. izdana od Službe za urbanizam, građenje, katastar i imovinsko pravne poslove, općine Travnik.
- Kopija uplatnice administrativne takse.
- Kopija uplatnice po Zaključku o posebnim troškovima.
- Upotrebna dozvola za benzinsku crpku br: 04/6-23-5-1836/15 od 28.01.2016.god, izdana od Službe za urbanizam, građenje, katastar i imovinsko pravne poslove, općine Travnik.
- Rješenje o Vodnoj dozvoli br. 05-25-819/17 od 26.02.2018.god., izdana od Ministarstva poljoprivrede, vodoprivrede i šumarstva KSB.
- Ugovor o čišćenju i održavanju separatora ulja i masti sklopljen s poduzećem DELTA PETROL d.o.o. Kakanj od 05.8.2019.
- Rješenje o vodnoj dozvoli br UP-I/25-3-40-629-5/16 od 24.01.2017.izdano od AVP Sava.
- Projektno tehnička dokumentacija „Projekt izvedenog stanja-hidro faza objekta benzinske stanice u Turbetu“ izrađen od Zavoda za vodoprivredu d.d. Sarajevo iz 10/2015.god..
- Izvještaj o ispitivanju kvaliteta tehnoloških otpadnih voda izrađen od „ INSPEKT-RGH“ D.O.O Sarajevo br.514/21 od 3/2021.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak poslovnog objekta i tom prilikom je sačinjen zapisnik o uviđaju broj: UP-I/21-3-40-616-3/21 od 02.02.2022. na kome je konstatirano sljedeće:

Objekat benzinske pumpe sa pratećim sadržajima je izgrađen odnosno potpuno rekonstruiran u 2015.god. u naselju Turbe bb, općina Travnik, na zemljištu označenom kao k.č. broj: 1125, K.O. Turbe, P.L. br.118/01, općina Travnik.

Objekt benzinske crpke se sastoji od maloprodajnog objekta sa sanitarnim čvorom, uredskog prostora, nadstrešnice sa automatima za istakanje goriva, podzemnih dvoplašnih spremnika za skladištenje goriva, separatora masti i ulja i bioprečištača s prelivom u rijeku Lašvu.

Zauljene oborinske vode sa radnih, prometnih i manipulativnih površina se sistemom uličnih slivnika i kanalizacionih cijevi prikupljaju i odvođe do montažnog separatora ulja i masti tipa ACO, CLARA C5, kapaciteta 0,75 m³/dan koji je ugrađen u 2015. godini kojeg prazni i održava poduzeće „DELTA PETROL“ d.o.o. Kakanj.

Preliv iz separatora kao i bioprečištača je u rijeku Lašvu. Sadržaj bioprečištača redovno čisti JKP „BAŠBUNAR“ d.o.o. Travnik za koju operator kanalizacionog sistema redovno plaća usluge.

Radne, prometne i manipulativne površine su završno obrađene asfaltom odnosno betonom, sa padovima prema rešetkama i slivnicima.

Vodoopskrba je sa lokalne vodovodne mreže.

Smještaj goriva se vrši u ukopanim čeličnim dvoplašnim spremnicima ukupnog kapaciteta 120 m³ (30+30+30+30).

Na kontrolnom šahtu između separatora i upojnog bunara vrši se redovan monitoring otpadnih voda koji obavlja „INSPEKT-RGH“ d.o.o Sarajevo.

Za benzinsku crpku Investitor je pribavio projektno tehnička dokumentacija „Projekt izvedenog stanja-hidro faza objekta benzinske stanice u Turbetu“ izrađen od Zavoda za vodoprivredu d.d. Sarajevo.

Objekt se ne nalazi u vodnom dobru.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uvjeti kojih se dužan pridržavati prilikom korištenja objekta u skladu sa odredbama članova 53. i 116.

Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatira se da je podnosilac zahtjeva „HOLDINA“ d.o.o. Sarajevo za poslovnu jedinicu u naselju Turbe, općina Travnik, ispunio minimum uvjeta za izdavanje vodne dozvole za ispuštanje oborinskih onečišćenih voda sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98 , 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju
Rukovodilac Sektora za izdavanje vodnih akata



Haris Ališehović, dipl. ing.grad

Dostaviti:

- „HOLDINA“ d.o.o. Sarajevo, Azize Šaćirbegović 4b, Sarajevo,
- AVP, ISV – Vodna knjiga,
- Sektor 50,
- ⑥ Sektor 40, arhiva,
- Oglasna ploča-AVP Sava